

Publicaziun ufficiale Vschinauncha da Schlarigna

Dumanda da fabrica

La Swisscom (Svizra) SA ho l'intenziun da rimplazzer, stulla parcella 836, sper la staziun suot da la s-chabellera da Marguns, 7505 Celerina/Schlarigna, las antennas existentas tres la generaziun d'antennas la plü nouva.

Profils nu vegnan miss üngins.

La documentaziun vain exposta düraunt 20 dis tar l'uffizi cumünel da fabrica Celerina/Schlarigna. Recuors motivos cunter quist proget sun d'inoltrer in scrit infra quist termin a la suprastanza cumünela da Celerina/Schlarigna.

Celerina/Schlarigna, ils 12 favrer 2016

Per incumbenza da l'autorited da fabrica
Uffizi da fabrica cumünel
Celerina/Schlarigna
176804295 szx

Publicaziun ufficiale Cumün da Scuol

Publicaziun da fabrica

In basa a l'ordinaziun davart la planisaziun dal territori pel chantun Grischun OPTGR (Kantonale Raumplanungsverordnung KRVO), art. 45:

Patruns da fabrica: Claudia e Duri Nodèr
Punt 63A
7550 Scuol

Proget da fabrica: ingrondimaint da l'abitaziun existenta cun local da fitness giò'l plan schler

Fracziun: Scuol

Lö: Punt, parcella 1988

Zona d'utilisaziun: zona dal cumün vegl

Temp da publicaziun: 11 favrer fin
2 marz 2016

Exposiziun: Dürant il temp da publicaziun as poja tour invista dals plans pro l'uffizi da fabrica in chasa cumünala.

Mezs legals: Protestas sun d'inoltrer in scrit d'urant il temp da publicaziun a la suprastanza cumünala.

Scuol, als 11 favrer 2016

Cumün da Scuol
Uffizi da fabrica
176804425 szx

Publicaziun ufficiale Cumün da Scuol

Publicaziun da fabrica

In basa a l'ordinaziun davart la planisaziun dal territori pel chantun Grischun OPTGR (Kantonale Raumplanungsverordnung KRVO), art. 45:

Patrun da fabrica: StWEG Corgnuns
c/o Lischana Fiduziari
7550 Scuol

Proget da fabrica: sanaziun energetica e müdamaints interns

Fracziun: Scuol

Lö: Val, parcella 1054

Zona d'utilisaziun: W2

Temp da publicaziun: 11 favrer fin
2 marz 2016

Exposiziun: Dürant il temp da publicaziun as poja tour invista dals plans pro l'uffizi da fabrica in chasa cumünala.

Mezs legals: Protestas sun d'inoltrer in scrit d'urant il temp da publicaziun a la suprastanza cumünala.

Scuol, als 11 favrer 2016

Cumün da Scuol
Uffizi da fabrica
176804437 szx

Concentraziun, precisiun e cundiziun

Orlando Bass al Champiunadi european da tschoccas in Italia

Orlando Bass giouva daspö quatter ons a tschoccas ed es fascinà da quist sport. Sco commember da la squadra naziunala da juniors as participescha l'prosm'eivna a las Maestranzas europeanas in Italia.

Üna trentina da personas s'han chatta-das in dumengia fingià a bunura bod a Sur En per giovar ün turnier da tschoccas. Giuven e vegl miran, tiran e discutan las differentas tacticas. Tanter dad els es eir il giuven Orlando Bass da Strada. Daspö quatter ons giouva l'a tschoccas ed es commember dal club da tschoccas da Sur En e da la squadra naziunala da giuvenils fin 15 ons. La fin da schner ha'l guadagnà il titel da champiun svizzer pro la giuventüna suot 16 ons e pro quels suot 19 ha'l ragiunt la terza plazza. Eir a Sur En es el gnü in dumengia terz cun sia squadra.

Champiun svizzer sainza medaglia

Grazcha al trenamaint mental cun Cla Mosca ha impris Orlando Bass a restar calm, a nu s'agitar sch'ün tun nu grataja sco giavüschà e d'avair fiduzcha in sai s'vess. «Grit suna gnü cur cha'ls organisatuors da las Maestranzas svizas han comunicà d'urant il turnier cha in nossa categoria nu gnia giovà ingün final», disch Orlando Bass. Quel muaint manaiva el sia categoria cun set

puncts avantag. «Da quista situaziun sun eu stat fich dischilius e tuot es stat per mai massa emoziunal.» Sco terz da la categoria da giuvenils suot 19 ons ha'l listess ragiunt il final cun quels plü vegls. «Eu nu sun però plü stat bun da manar las prestaziuns sco pro la qualificaziun», quinta'l. Per finir ha ragiunt Bass la terza plazza illa categoria suot 19 ons ed es tuornà a chasa cun üna medaglia da bruonz. «Pel titel da champiun svizzer illa categoria suot 16 ons nu n'haja survgni ingüna medaglia.»

«Ils turniers d'urant fin a set uras»

Daspö ün on es Bass commember da la squadra naziunala da giuvenils da trar tschoccas. Ils trenamaints han lö per regla illa Surselva Bernaisa: «Ils trenamaints d'urant ün di. Qua cha'l viadi fin là es fich lung nu'm esa stat pussibel da tour part a quists inscunters d'ün di culla squadra», manzuna'l. Unic al trenamaint d'üna fin d'eivna a Solothurn s'ha el participà. Ad el disturba eir cha'l sport da tschoccas nu vain tut uschè serius. «Quist gö pretenda blera concentraziun, precisiun e cundiziun», disch il giuven sportist da Strada.

Ils turniers da tschoccas cumainzan pel solit la bunura a las set e d'urant tanter ses e set uras. «Scha'ls gös van uschè lönch possa dovrar bain ils cussagls da Cla Mosca. El m'ha muossà co ch'eu poss far mentalmaing la posa tanter ils singuls tuns da tschoccas.» Bass exercitescha duos jadas l'eivna intensivamaing a trar la tschocca: D'inviern fa'l quai sülla plazza da glatsch a Sur En e d'instà a Ramosch sün üna plazza asfaltada. «I da differentas plattas per las tschoccas ed eir plattas per giovar la stà», declera'l. Tenor el sun la practica, l'esperienza e la concentraziun ils trais factuors importants per avoir success cun quist sport.

Prüm Champiunadi european

Prosm'eivna cumainzan tant las Maestranzas europeanas da giuvenils sco eir las mundialas da creschüts a Ritten, in vicinanza da Bulsan. Pro tuottas duos maestranzas sun ils giovaders da la Germania e da l'Austria ils favorits. «Ils giuvenils da l'Austria han tuot otras pussibilitats da trenamaint co nus qua in Svizra. Quels han eir scoulas medias cun classas da sport per giovaders da tschoccas», constata Orlando Bass. Sco commember da la squadra naziunala da giuvenils suot 16 e 19 ons es eir el da la partida a quista concurrenza ed el ha survgni per quai liber da scoula. «Eu n'ha avant las maestranzas amo ün termin pro Cla Mosca. Qua vulain nus definir meis böts ch'eu vögl ragiundscher e co ch'eu poss lura am focuor be sün



Orlando Bass exercitescha d'inviern duos jadas l'eivna sülla plazza da glatsch a Sur En a trar la tschocca. fotografia: mad

Da l'üsanza al sport da prestaziun

Trar a tschoccas es ün sport chi vain praticà i'ls pajais da las Alps e sumaglia ün pa al cuntschaint curling. Il gö da tschoccas es ün vegl sport popular ed istoricamaing ün'üsanza. Plü bod gniva giovà a tschoccas d'inviern ed in regions cun lais dschets. La fuorma moderna po esser üna disciplina sportiva da prestaziun chi vain giovada tenor reglas e per gronda part s'han ils giovaders as miss insemel a societats. Hozindì vain quist sport praticà d'urant tuot l'on e vain giovà illas disciplinas da gruppas, pel solit quatter personas, il trar sün distanza ed il trar sün ogets. Il gö da tschoccas es ün sport da precisiun. Las prümas Maestranzas europeanas han gnü lö da l'on 1951 a Garmisch-Partenkirchen ed a Frankfurt am Main han ils sportists cumbattü per il prüm Champiunadi mundial. (anr/afi)

Arrandschamaint

«Ursin reloaded» i'l Chastè da cultura

Fuldera In venderdi, ils 12 favrer, invida il Chastè da cultura a Fuldera ad ün arrandschamaint tuottafat special cul titel «Ursin reloaded». Quist'occurenza es daplü co ün concert. Fiona Könz, l'abiadia da l'autura dad «Uorsin» Selina Chönz, chanta e prelegia texts e sül palc fan lanternas da stalla da Ralph Sonderegger ornamaints e muossan ün'otra vista. Ils texts da Fiona Könz, la musica da Jodok Hess, la fuormaziun da Ralph Sonderegger e la vusch dad Andrina Bollinger impromettan üna saira da inschmanchabla ed üna conciliaziun dal temp passà cul muond modern.

L'arrandschamaint i'l Chastè da cultura a Fuldera cumainza in venderdi a las 20.30. (protr.)

Reservaziuns per e-mail info@chasteda-cultura.ch o per telefon 081 858 5706.

quai», manzuna'l. Ün da seis böts pro sia prüma participaziun a Maestranzas europeanas es da rivar i'l final dals giuvenils dal trar singul. Ils meglders 14 da la qualificaziun rivan in quist final.

«Pro runda vögl eu ragiundscher ün nouv record persunal. Il maximum pro runda es 240 puncts, be quai nu ragiundscha ingün.» Plünavant fa el quint cha pro la concurrenza da las squadras pudessan els guadagnar üna medaglia. «Qua giouva lura adüna be üna squadra pro pajais», declera'l. Orlando Bass as participescha eir a la concurrenza da trar il plü dalöntschi pussibel la tschocca. Il record mundial pro quista disciplina importa 566 meters ed exista fingia daspö passa 30 ons.

Sport, musica e giansunadi

Il giovar a tschoccas nun es l'unic hobi dal giuven da Strada. El es commember

da la Musica giuvenila da Valsot, da la musica da Ramosch e piglia part cul proget «Engadin Concert Band» a la Festa da musica federala a Montreux. «Cun la Musica giuvenila ans vaina participats a l'ultima Festa da musica chantunala per giuvenils. Ad üna festa da musica federala piglia part per la prüma vouta», constata'l. Orlando Bass finischa quist on il temp da scoula obligatoric e cumainza lura il giansunadi da specialist pel mantegnimaint da vias. «Meis genituors nu d'eiran il prüm uschè daperüna cun meis giavüsch da manster. Ma davo ch'els s'han infuormats a regard quist manster varià d'eiran els perinlets cun mia tscherna», disch Bass. El manzuna cha sco stradin survain el üna invista in blers differentes mansters: Mürader, falegnam, constructur da vias o eir il manster dal giardinier e boscher. (anr/afi)

Sustegn per la Chüra d'uffants

Scuol D'utuon ha festagià la Clinica Alpina SA a Scuol il giubileum da tschinch ons. Per festagiar quist giubileum ha invidà la Clinica Alpina la cliantella per visitar la clinica. Dürant il di da las portas avertas han ils responsabels organisà ün'ustaria cun da mangiar e da baiver. La prüma runda d'eira gratuita,

chi chi vulava daplü stuvava pajar. Il rechav es i a favur da la Società Chüra d'uffants Engiadina Bassa.

La Clinica Alpina a Scuol ha arrundi sù l'import ed ha pudü surdar d'incuort ün schec da 1000 francs a la manadra da la Canorta Villa Milla a Scuol, Gabriela Greiser. (protr.)



Maja Bischoff da la Clinica Alpina (a dretta) ha surdat 1000 francs a Gabriela Greiser, manadra da la Canorta Villa Milla a Scuol. fotografia: mad

Per inserats: stmoritz@publicitas.ch